



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancta Communitas, In Paupertate religiosa inviolata

Wissingh, Anton

Coloniae Agrippinae, 1699

Cap. X. De eadem orationis frequentatione pro salute subditorum.

[urn:nbn:de:hbz:466:1-49611](#)

CAPUT X.

De eadem Orationis frequentatione pro salute subditorum.

I. *S. Papa Gregorius* jubet Prælato Regulari , ut imitetur exemplum *S. Job* , qui , cùm esset vir simplex , rectus , timens Deum , ac recedens à malo ; in hoc primò animi sui rectitudinem , Deique timorem sincerum legitur ostendisse , quod pro filiis & filiabus convivantibus ipse pientissimè paterno amore solitus oraverit manens sobrius , holocaustumque consurgens diluculò obtulerit , ut expiaret peccata proliis inconsideratae . Jubet quoque *S. P. N. Franciscus* , ut Ministri diluculò offerant *S. Missæ Sacrificium* pro Fratribus & subditis suis , ut postea sint expeditiores pro supportando onere sui ministerii , & audiendis causis Fratrum &c.

II. Oportet autem eum orare priùs pro suis , deinde pro suorum delictis & necessitatibus , juxta monitum apostoli Hebr. 7 27. Et in hoc sequetur exemplum Christi Domini , qui Joan. 17. I. priùs oravit pro se , deinde pro discipulis , dicens : *Pater , venit hora , clarifica Filium tuum , ut Filius clarificet te.* & v. II. *Pater sancte , serva eos in nomine tuo , quos dedisti mihi , ut sint unum , sicut et nos.* Quia in oratione (ut Angelicus Doctor advertit) Deus-Orator & Magister sumimus aliud non spectabat , quām ut Capitibus atque Prælatis exactiorene curam imprimeret , se sibi-

sibique commissos per orationem commendandi Altissimo. Nulla enim, ait, necessitas inerat sibi orandi, qui simul cùm Patre exaudit: instruxit autem nos in hoc ē verbo, ē facto. h. i. Immo in oratione Christi pro sibi servientibus aliquid amplius advertit S. Bonav. serm. 2. de Epiph. scil. quando oravit pro se, oravit sub conditione: Pater, si possibile est, transeat à me calix iste: verumtamen non sicut ego volo ēc. sed orans pro nobis, dicit absolute: volo, ut ubi sum ego, ē illi sint mecum, Joan. 17. hoc argumentum est magni amoris. h. i.

III. Jurat D. Paulus Magister gentium, Romanis scribens, se inter alias suæ curæ commissas functiones, maximè orationem pro suis adhucisse. Testis enim mihi est Deus, inquit, cui ser-vio in spiritu meo, in Evangelio Filii ejus, quod sine intermissione memoriam vestri facio semper in orationibus meis. Rom. 1. 9.

IV. Cit. Alfonsus à Jesu Maria in suo spiri-tali Consiliario Prælatorum disc. 1. consil. 2. orationem mutuam à Prælatis & subditis expo-scit, non sine pondere causæ, dum inquit: Ut autem Prælaus, qui sui, ē suorum pro-gressus non incuriosus, sed studiosus vult esse, majoresque suis rogatibus vires adjungere, debet non raro à suis subditis suffragia precum expete-re, ut hac fideli ē mutua, qua unus pro alte-ro Deum exorat, servata responsione, porrigit Presul subditis manum, ut eos à periculis exi-mat, operamque suam sufficiat, quā ad san-

etimoniā provehantur. Ejusverò parentes imperio, orationibus suis obtainere conentur Prelato ad grave sustinendum, ne succumbat, gubernii pondus. De hac mutua opis inter Superiorē & subditos collatione facit mentionem D. Gregorius lib. 1. regist. epist. 24. ad finem. Dum enim nos vobis per orationis opem conjungimur, quasi ambulantes per lubricum vicissim nobis manū tenemus; sitque ex magna provisione charitatis, ut eō singulorum robustiū pes figatur, quo in alterum alter innititur. h. i. Idem lib. 31. moral. cap. 7. in fine: quisquis pro aliis intercedere nititur, sibi potius ex ipsa charitate suffragatur. h. i. per hoc insinuat, quod, qui ex officio vel promisso orat pro alio, ob præstatam charitatem mereatur, ut oratio facta pro se nervosior, & impetratu fructuosior evadat apud Deum Altissimum.

V. Idem cit. Author in verba Domini Dei Exodi 32. 10. *Dimitte me, ut irascatur furor meus contra eos, & deleam eos,* ait, Moysen per suam vehementem & instantem orationem pro peccatrice gente, quasi retinuisse & impedisse manū Dei ultricem. Et super illa verba Num. 16. 21. *Locutusque Dominus ad Moysen & Aaron ait: Separamini de medio congregationis hujus, ut eos repente disperdam,* notat, Deum quasi detineri à duobus his justis precatoribus, ne vindictam sumere in impedite valeat. Et S. Hieron. in cap. 13. Ezech. *Cum dicitur, dimitte me, ostenditur, quod tenendi habeat potestatem.* Apud eundem Prophetam Ic. Deus exprobrat

exprobrat segnibus Prælatis, dicens: *Non ascendiſtis ex adverſo, neque oppoſiſtis murum pro domo Israel.*

Ex hucusque dictis omnibus hanc conclusio-
nem vel principium pro se reservabit Superior
Regularis, quod, si quipiam fructificare inten-
dat Religioni, & animarum saluti, plus confide-
re debeat in oratione confidentiali ad Deum,
quam in privato ingenio, vel viribus suis. Inte-
rim quo magis replebitur virtutibus, eò majorem
confidentiam habebit ad Deum, & animosior
erit ad causam Dei propugnandum: ad quod
Deus illi vires addet.

VI. *Harum virtutum compendium suggestit B.V. M. S. Birgittæ revelat. 76.* describens virtu-
tes alicujus Regis seu Ducis, dicens: *Ille quippe
est Rex* (tu intellige, Superior quilibet Regularis)
qui in morib⁹ suis est sicut Job, in humilitate sicut
*Davit, in zelo legis ut Phinees, ut Moyses in man-
fuetudine & longanimitate. Ille quoque est Dux,*
qui Regis exercitum regit, & informat ad prælia,
qui fiduciam habet in Deo, & timorem inostri Iosue;
*qui utilitatem Domini sui plus querit, quam pro-
priam, ut Joab; qui zelum legis & commodum pro-
ximorum diligit, ut Judas Macchabæus. Talis*
*Dux similis est unicorni, qui acutum habet cornu
in fronte, & sub cornu lavidem pretiosum. Quid
autem est cornu Ducis, nisi cor virile, quod pugnan-
dum est fortiter? Lapis verò sub cornu Ducis est*
*charitas divina, qua jugiter in corde manens, redi-
dit eum ad omnia agilem, & invictum.* h. i.

VII. *S. Bonav.* solicite admonet Prælatos Regulares, ut, si aliquem fructum in se & subditis suis facere desiderent, sint singulariter amici orationis, & maximè internæ devotionis (quod id ipsum in iisdem requisivit, & quā in maximè desideravit *S. P. N. Franciscus*. Audi Seraphici Doctoris verba cor penetrantia, in ala prima c. 3. *Cavenda est* perturbatio studii devotionis, ex qua fulcitur omnis vera Religio, & omne virtutis exercitium impinguatur. Arida est omnis Religio, qua non oleo isto saginatur. Instabilis est bonorum operum structura, qua devotæ orationis frequentia non compaginatur, sicut paries lapidum sine cémento. In omni Religione ubi devotionis fervor tepuerit, etiam aliarum virtutum machina incipit deficere, & propinquare ruine. h.i.

VIII. Idem *S. Bonav.* in vita *S. P. N. Francisci* c. 8. §. 2. scribit: quod anxio spiritu misericordem Patrem precaretur pro filii, instar piæ matris, parturientis, & solicitè curantis, ut pareatur Christus in ipsis. Interim efficacem oratorem te puta, si tibi ipsi, quod oportet, persuaseris. Seneca in proverb.



CA.